

Na temelju članka 60. stavak 1. točka 10. Zakona o slatkovodnom ribarstvu ("Službene novine Federacije BiH", broj 64/04), federalni ministar poljoprivrede, vodoprivrede i šumarstva donosi

## **PRAVILNIK**

### **O ODREĐIVANJU VISINE NAKNADE ŠTETE NANESENE RIBLJEM FONDU**

#### **Član 1.**

Ovim Pravilnikom određuje se visina naknade štete koju fizička ili pravna osoba nanese korisniku ribolovnog područja/zone, način određivanja naknade štete nanese ribljem fondu, visina naknade za pričinjenu štetu, raspoređivanje novčanih sredstava koja se ostvare na osnovu ovog Pravilnika.

#### **Član 2.**

Šteta, u smislu ovog Pravilnika, podrazumijeva štetu koja je nanesena doraslim i nedoraslim ribama.

Pod pojmom nedoraslih riba podrazumijeva se riblja mlad.

#### **Član 3.**

Određuje se visina naknade štete za sljedeće vrste riba:

I grupa:

1. mladica (*Hucho hucho* L.);
2. glavatica (*Salmo marmoratus* Cuvier);
3. kečiga (*Acipenser ruthenus* L.).

II grupa:

1. neretvanska mekousna pastrmka (*Salmothymus obtusirostris oxyrhynchus* Steind.);
2. lipljen (*Thymallus thymallus* L.);
3. potočna pastrmka (*Salmo trutta m. fario* L.);
4. jezerska pastrmka (*Salmo trutta m. lacustris* L.).

III grupa:

1. kalifornijska pastrmka (*Onchorhynchus mykiss* Walbaum);
2. potočna zlatovčica (*Salvelinus fontinalis* Mitchill);
3. jezerska zlatovčica (*Salvelinus alpinus* L.);
4. linjak (*Tinca tinca* L.);
5. smuđ (*Stizostedion lucioperca* L.);
6. som (*Silurus glanis* L.).

IV grupa:

1. štika (*Esox lucius* L.);
2. šaran (*Cyprinus carpio* L.);
3. mrena (*Barbus barbus* L.);
4. bolen (*Aspius aspius* L.).

V grupa:

1. škobalj (*Chondrostoma nasus* L.);
2. klen (*Leuciscus cephalus* L.);
3. plotica (*Rutilus pigus virgo* Heckel);
4. deverika (*Abramis brama* L.);
5. šljivar (*Vimba vimba* L.).

#### Član 4.

Visina naknade štete za dorasle i nedorasle ribe određuje se tako da se količina ribe (masa u kilogramima) određene vrste ribe na kojoj je učinjena šteta obračuna po cijeni jednog (1) kilograma za tu vrstu ribe i pomnoži s koeficijentom za tu vrstu ribe.

#### Član 5.

Određuje se cijena 1 kg (jednog kilograma) ribe u iznosu od:

1. 15,00 KM za I grupu;
2. 12,00 KM za II grupu;
3. 10,00 KM za III grupu;
4. 8,00 KM za IV grupu;
5. 5, 00 KM za V grupu.

#### Član 6.

Određuje se koeficijent za dorasle ribe:

1. koeficijent 5 za IV i V grupu;
2. koeficijent 10 za II i III grupu;
3. koeficijent 15 za I grupu.

Određuje se koeficijent za nedorasle ribe (mlađ):

1. koeficijent 8 za V grupu;
2. koeficijent 10 za III grupu;

3. koeficijent 12 za III grupu;
4. koeficijent 20 za II grupu;
5. koeficijent 25 za I grupu.

**Član 7.**

Visina naknade štete koja je nastala kao posljedica radnji iz članka 46. stavak 1. točke 1 do 7 Zakona o slatkovodnom ribarstvu određuje se sukladno članku 2. ovog Pravilnika i uvećava se:

1. 2 puta za doreasle ribe;
2. 5 puta za nedoreasle ribe.

**Član 8.**

Ako je šteta nad ribljim fondom nastala pomorom ribe kao rezultat zagađenja vode od strane registrovanih zagađivača vode, pored naknade štete za riblji fond koji se obračunava po odredbama ovog Pravilnika, u naknadu štete od trovanja obračunavaju se još i troškovi oko saniranja vodotoka, čuvanja i obnove ribljeg fonda (poribljavanja ribolovne vode).

**Član 9.**

Za ribe za koje nije određeno da su zaštićene po odredbama Zakona o slatkovodnom ribarstvu i ovoga Pravilnika, a koju zaštićenim proglasi korisnik koji gazduje ribarskim područjem, visinu naknade štete određuje korisnik ribolovnog područja svojim općim aktom.

**Član 10.**

Sredstva ostvarena od naknade štete naplaćena po odredbama ovoga Pravilnika pripadaju korisniku ribolovnog područja, odnosno zone.

**Član 11.**

Danom stupanja na snagu ovoga Pravilnika prestaje važiti Pravilnik o odštetnom cjenovniku za pričinjenu štetu ribljem fondu ("Službeni list SRBiH", broj 19/84).

**Član 12.**

Ovaj Pravilnik stupa na snagu osmog dana od dana objave u "Službenim novinama Federacije BiH".

Broj 01-02-393/05  
listopada 2005. godine  
Sarajevo

Ministar  
**Marinko Božić**, v. r.